


Vihkeles biëvnesh dutnjien mij edtja tjaatsestidh

## **Stoerredigkie- jñh saemiedigkieveeljeme 2009**



Veeljemebiejjie skiereden/gaagkesen 14. b.  
Mujhtieh datne tjoerh legitimasjovnem meatan utnedh gosse tjaatsesth.



# Stoerredigkie- jïh saemiedigkieveeljeme 2009

**Stoerredigkie** Nørjen almetjeveeljeme nasjovnale almetjekrirrie. 169 lihtsegh veeljesuvvieh fierhten njealjeden jaepien. Dah edtjeh årroji åvteste årrodh gaajhkine mijjen 19 fylhkine. Stoerredigkien vihkelommes barkoeh Leah laakh nænnoestidh, staaten budsjedtem moenedh jïh reerenassem grehtjedidh.

**Saemiedigkie** akte jïjtjeraarehke almetjeveeljeme åårgane jïh lea dïhte våårtags åårgane saemide. 39 lihtsegh veeljesuvvieh fierhten njealjeden jaepien. Dah edtjeh saemiej åvteste årrodh abpe Nørjesne. Saemiedigkie jïjtse budsjedtem joekede dejstie mierijste mah doh byøgkeles åejvieladtjeh vadteme. Saemiedigkie sjæjsjalim-miefaamoem gellie suerkine åtna.

Årroeh meatan moenh gie edtja dov åvteste årrodh Stoerredigkesne jïh Saemiedigkesne dejnie minngebe njieljie jaepine. **Nuhth dov tjaatsestassem!**

Daennie tjaalegisnie bïevnesh åadtjoeh guktie edtjeh dæmiedidh.

## Veeljemebiejjie måantan, skiereden 14. b. 2009.

Gellie tjielh aaj veeljemem høølteste aejlegen, skiereden 13. b.


**Mujhtieh legitimasjovnem gosse tjaatsesth!** Veeljemelaake kreava akte veeljije mij lea ovnohkens tjaatsestimmedåastojasse edtja jïjtjemse vihtenjostedh. Legitimasjovne maakta paassem, vovejemeleahpam jallh baanghkekåarhtem guvvine årrodh, bene maatah aaj jeatjah legitimasjovnem provhkedh. Dïhte krieve me lea veeljijen nomme, reakedsbiejjie jïh guvvie tjuerieh legitimasjovnesne årrodh.

Jis datne aktine institusjovnesne goh skiemtjehiejmesne, skiemtjegåetesne jallh faangke-gåetesne, maatah aktem barkijem birredh dov identitetem nænnoestidh.

**Gaajhkh veeljijh veeljemekåarhtem åadtjoeh.** Veeljemekåarhtesne bïevnesh gaavnh gusnie jïh gåessie datne maatah tjaatsestidh veeljemebiejjien. Ih veeljemekåarhtem daarpesjh gosse edtjeh tjaatsestidh, bene datne tijjem spåårh. Ij Leah veeljemekåarhte luhpies goh legitimasjovne.

Veeljijh mah tjaatsestimmiereaktoem utnieh dovne stoerredigkie- jïh saemiedigkieveeljemisnie gøøkte veeljemekåarhteh åadtjoeh.

# Stoerredigkieveeljeme



## ► Gie mahta tjaatsestidh?

Stoerredigkieveeljemisnie ajve Nøørjen staatenårrojh bijjelen 18 jaepieh mah tjaatsestimmiereaktoem utnieh. Nuekies jis 18 jaepieh veeljemejaepesne illie. Veeljije tjuara tjaalasovveme årrodh, jallh tjaalasovveme orreme, goh orrije Nøørjesne.

## ► Gåessie jih gusnie mahtah tjaatsestidh?

### Veeljemebiejjien

tjoerh dov hiejmetjijeltesne tjaatsestidh. D'ihthe lea d'ihthe tjielte gusnie datne lih almetjelåhkosne tjaalasovveme goh årroje ruffien 30. b. 2009. Datne mahtah tjaatsestidh saht mennie veeljemegåetesne tjieltesne. Vuartesjh guvvieh minngebe sæjrosne mah vuesiehtieh guktie datne veeljemebiejjien tjaatsesth.

### Åvtelhbodti tjaatsestidh

mahtah darjodh bearjadahken, skiereden 11. b. raajan saht mennie tjieltesne. Datne åvtelhbodti tjaatsesth ånnetji jeatjahlaakan enn jis jijtjehke veeljemebiejjien tjaatsesth.

Naemhtie åvtelhbodti tjaatsesth:


- 1) Gaskesadth aktem veeljemebarkijem mij datnem aktem tjaatsestimmieskuahpam vadta jih datnem aktem veeljemesijjiem vuesehte.
- 2) Gaavnh dam tjaatsestimmiessietelem datne sijhth nuhtjedh jih darjoeh vyjje jarkestimmieh.
- 3) Jis jijtjedh fylhken ålkolisnie tjaatsesth, aktem jijtse tjaatsestimmiessietelem åadtjoeh, ektine tjaatsestimmieskuahpine. Tjaatsestimmiessietelisnie leah doh tjaalasovveme politihkeles krirriej nommh, bieleden kandidati nommh. Datne tjoerh kroessem biejedh jallh tjaeledh man krærran/dåahkan datne sijhth tjaatsestidh. Datne mahtah aaj jijtje tjaatsestimmiessietelem skååffedh dov fylhkeste jis datne sijhth jarkestimmieh darjodh.
- 4) Biejh tjaatsestimmiessietelem tjaatsestimmieskuahpam sijse.
- 5) Vaedtsieh veeljemebarkijasse mij tjaatsestimmieskuahpam jih veeljemekårhthem akten ålkoeskuahpam sijse beaja, jih dan mænngan dam dan veeljemegeegken sijse beaja. Dov tjaatsestasse seedtesåvva dov hiejmetjijelten gåajkoe ryøkne-masse.

Jis skiemtjine jallh svihtjemeheahptoes, mahtah tjieltem syøkedh hiejmesne tjaatsestidh. Tjielte bievnede gåessie jih gusnie datne mahtah tjaatsestidh.


## ► Guktie veeljemebiejjen tjaatsesh?



**1** Vaeltieh dam tjaatsesstimmesietelem datne sijhth nuhtjedh.



**2** Darjoeh vyjje jarkestimmieh tjaatsestimmesietelisnie (vuartesjh bihkedimmiem minngebe sæjrosne).



**3** Mahtsoeh tjaatsestimmesietelem guktie kirrirenomme sisnjielisnie jih sijjie gusnie edtjh steempeldidh byjngtjebielesne - dellie ij guhte maehtieh vuejnedh maam datne tjaatsesh. Ih edtjh skuahpam jallh jeatjah gaptjesem provhkedh tjaatsestimmesietelen bijre.



**4** Vaedtsieh akten veeljemebarkijasse jih åadtjoeh aktem steempelem tjaatsestimmesietelen byjngtjebielesne. Tjaatsestimmesietele tjura steempelem utnedh jih edtja jååhkesjamme sijdtedh!




**5** Biejh dom steempeldamme tjaatsestimmesietelem veeljemegeegken sijse.

## ► Guktie tjaatsestimmesietelisinie jarkesth?

Datne dihte mij muana mejtie sijhth tjaatsestimmesietelisinie jarkestidh. Jis ih jarkesth, dellie datne dejtie kandidatide tjaatsesth dennie øørnegisne dah Leah tjaatsestimmesietelisinie.

### Naemhtie maatah tjaatsestimmesietelisinie jarkestidh:



#### Kandidati vuerpiem jarkestidh

Biejh aktem (orre) nommerem skaavhtegasse kandidaten/kandidati nommen/nommi **garrabiesne**, guktie datne vihtesjh guktie datne sijhth kandidati vuerpie edtja årrodh.

#### Kandidath laahpehtidh

Biejh aktem miærhkem (kroesse, kruehkie jallh plearøeh) skaavhtegasse kandidaten/kandidati nommen/nommi **ækiesbiesne** maam datne sijhth laahpehtidh.

Aellieh billh jarkestimmieh darjodh. Guktie edtjh darjodh tjaatsestimmesietelisinie tjåadtje. Dov tjaatsestimmiem ij hiejhtieh jalhts datne båajhtode darjoeh!

## ► Gieh veeljesuvvieh?

Doh maandath Støerredægkan fylhkeste juaka kririej jih dæehkiej gaskem, mestie man gellie tjaatsestassh dah åadtjoeh.

Jis jïenebh enn bielie dejstie mah akten krærran jallh dâahkan fylhkesne tjaatsestieh, jarkestimmieh darjoeh dan seamma kandidaten baalte, doh jarkestimmieh maehtieh maam akt jiehtedh mah kandidath veeljesuvvieh. Jis ij, doh kandidath veeljesuvvieh dennie vuerpesne dah Leah tjaatsestimmesietelisinie.

Datne vielie bëevnesh gaavnh, [www.valg.no](http://www.valg.no)

**Buerie veeljeme!**


# Saemiedigkieveeljeme

Gaajhkh mah tjaatsestimmiereaktoem utnieh tjiieltenstávroeveeljemisnie jiih mah leah tjaaleme Saemiedigkien veeljemelâhkosne, tjaatsestimmiereaktoem utnieh saemiedigkieveeljemisnie. Diihte mierie Saemiedigkien veeljemelâhkose tjaalasovvedh lea ruffien 30.b. Jis tjaatsestimmiereaktoem âtnah dovne stoerredigkie-jiih saemiedigkieveeljemisnie, maahtah gâabpaginie veeljemisnie tjaatsestidh.

Jis datne leah tjaalasovveme goh ârroje aktene tjiieltene mij vaenebe enn 30 almetj tjaatsestimmiereaktojne utni evtete saemiedigkieveeljemisnie, ih maehtieh veeljemebiejjien tjaatsestidh. Dellie maahtah dov tjaatsestimmiereaktoem provhkedh âvtelhbodti tjaatsestidh. Saemiedigkien nedtesæjrojne maahtah vovejnedh mah tjiielth.

Nuepie kandidati vuerpiem jarkestidh tjaatsestimmiiesietelisnie. Ij leah nuepie kandidath laahpehtidh.

Saemiedigkie bievnesh saemiedigkieveeljemen biiyre gaajhkide seedtie mah leah Saemiedigkien veeljemelâhkosne.



Datne vielie bievnesh gaavnh, [www.valg.no](http://www.valg.no) jallh [www.samediggi.no](http://www.samediggi.no)  
**Buerie veeljeme!**





Luajhteme mietsken 2009, Tjielten-jih regijonaledepartementeste  
Tjaalege jarkoestamme gaektside gielide, jih gaavnoes daesnie, [www.valg.no](http://www.valg.no)

Tjaalegen nummere: H-2229 Sørsamisk